

الانقلاب يأكل بعضه في رسالة ماهر للانقلابيين " هتتنفخوا قريب "



الأربعاء 8 يناير 2014 12:01 م

وجه أحمد ماهر، مؤسس حركة شباب 6 أبريل، «الذي يقضي عقوبة السجن ثلاث سنوات في سجن طرة، بتهمة خرق قانون التظاهر»، رسالة إلى كل من الطرطور عدلي منصور، والعاشر خالد يوسف، وزياد بهاء الدين، وعز الدين شكري، والرقاص حمدين صباحي، وتمرد والتيار الشعبي»

ونشرت حركة شباب 6 أبريل، رسالة منسوبة لمؤسس الحركة، أحمد ماهر، وجاء نص الرسالة كالتالي: «ليست 3 سنين يا حلوة ليست 3 سنين سجن، أكيد كان احتمال مستبعد ضمن احتمالات وخواطر مروا على دماغ الواحد، أصل مش معقول ألبس 3 سنين علشان سلمت نفسي وخضعت للتحقيق».

وأضاف «ماهر»، في الرسالة «كله قعد يقول ما تقلقش حتى لو طبقوا قانون التظاهر عليك آخرها غرامة مش حبس، قانون التظاهر بيعاقب المحرض بالغرامة فقط، ماشي يا عم أديني سلمت نفسي ولبست 3 سنين، حلو كدا، !!».

ووجه رسالة إلى «الطرطور عدلي منصور» أنا عارف إنك راجل طيب وبركة ومالكش دعوة باللي بيحصل في البلد ولما قابلتك في يوليو اللي فات صعبت عليا، بس بدمتك ينفج اللي بيحصل ده؟.. يرضيك الكلام ده؟.. حاول تقول حاجة أو حاجة أنت راجل طيب ومش هازعل من كلامك بس اتكلم».

ووجه «ماهر»، رسالة أيضًا إلى كل من «زياد بهاء الدين، وعز الدين شكري، وكل اللي بيلعبوا دور المحلل للنظام القمعي» مش حاسين إنكم هاتتنفخوا قريب، وأن الصمت والتنفيذ مش هايحميكم؟ دي مبادئكم؟».

كما وجه رسالة إلى مصطفى حجازي: «فاكر قبل 30 يونيو بأيام لما قولتلي استحمل وأن التشويه والتخوين حاجة عارضة وأن المستقبل لنظام ديمقراطي سليم بعد هذه الفترة؟، متسائلأ هو دا المستقبل الجميل؟ هي دي المبادئ اللي علمتالنا من سنين؟ هي دي دولة القانون اللي بشرتنا بيها؟ هي دي الكرامة؟».

وإلى المخرج خالد يوسف: «برضه قولتلي قبل 30 يونيو أن التشويه والتخوين والقبضة الأمنية هو ظرف مؤقت، وأن 6 إبريل لازم تستحمل التشويه المؤقت وأن المستقبل أفضل» عاجبك اللي بيحصل؟ هي دي الحرية والكرامة اللي قولتلي عليها؟ هو دا إنقاذ مصر؟».

وإلى تمرد والتيار الشعبي وحمدين صباحي وكل الناصريين «أنا عارف إنكم بتحترموا الجيش والداخلية والمخابرات وكل الأجهزة الأمنية، وعارف إنكم عايزين تكرروا تجربة عبد الناصر علشان كده انتو مبسوطين باللي بيحصل لازم نطبق سيناريو 1954 بكل حذافيره؟ مفيش تطوير؟».

وأخيرا إلى «6 إبريل».. «انتو الأمل اوعوا تتهزوا» وإلى أبي وأمي وزوجتي وأولادي» أنا عارف إني تعبتكم كثير وبهدلتكم كثير معايا» وإنكم بتعانوا أكثر مني من الشتيمة والمزايدات والإشاعات والكذب والتدليس».

واختتم «ماهر»، رسالته «عمومًا كلها 3 سنين مع الشغل وتقابل بره تاني، واللي مخلص منكم ومحترم رغم عقده 6 إبريل أكيد هقابله في السجن جوه» وهيتسلوا عليكم واحد واحد وحركة حركة ومجموعة مجموعة وقهوة قهوة» راجعوا ضميركم لو لسه موجود»

الثورة ضاعت، والفلول وأمن الدولة راجعين ينتقموا».
الشروق